

# Papur y Bwrdd

9 Gorffennaf 2014

<b>Teitl y Papur</b>	<b>Strategaeth Rheoli Tystiolaeth a Chynllun Cyflawni</b>
<b>Cyfeirnod y Papur:</b>	<b>NRW B B 54.14</b>
<b>Paratowyd y Papur gan:</b>	<b>Michael Evans a Catherine Duigan</b>

<b>Pwrrpas y Papur:</b>	<b>Cyflwyno'r Strategaeth Rheoli Tystiolaeth derfynol a'r Cynllun Cyflawni</b>
<b>Argymhelliad:</b>	<b>Ei chymeradwyo gyda gwaith pellach i ddatblygu'r cynllun cyflawni.</b>
<b>Angen penderfyniad:</b>	<b>Cymeradwyo</b>

<p><b>Effaith:</b> Noder - efallai na fydd pob pennawd yn berthnasol i'r pwnc</p>	<p><b>Effaith ar yr Amgylchedd:</b> Fel corff cyhoeddus, rhaid i'n penderfyniadau fod yn seiliedig ar y dystiolaeth orau sydd ar gael. Gall peidio â gwneud hyn gynyddu'r posibilrwydd o fethu â gwarchod yr amgylchedd, gan beri niwed i'r amgylchedd a cholli enw da.</p> <p><b>Effaith ar yr Economi:</b> Mae defnyddio tystiolaeth dda yn ein penderfyniadau yn allweddol i hybu defnydd cynaliadwy o'n hadnoddau naturiol er budd yr economi. Mae llawer o'n diwydiannau allweddol yng Nghymru yn defnyddio neu'n effeithio ar ein hadnoddau naturiol. Bydd tystiolaeth dda o gymorth i sicrhau ein bod yn gwneud y penderfyniadau cywir.</p> <p><b>Effaith ar y Gymuned:</b> Rydym eisoes yn gweithio'n agos gyda sawl rhan o'r gymuned o ran casglu a rhannu tystiolaeth. Mae'n rhaid i ni barhau i ymgysylltu â chymunedau i rannu dealltwriaeth o'r sylfaen dystiolaeth ar gyfer ein penderfyniadau. Rhaid i gymunedau fod yn hyderus ein bod yn defnyddio'r dystiolaeth orau i lywio ein gweithgareddau.</p> <p><b>Effaith ar Wybodaeth:</b> Mae angen i ni fod yn hyderus ynghylch gwneud penderfyniadau lle mae yna fylchau yn y dystiolaeth, neu dystiolaeth sy'n gwrthdaro. Mae'n rhaid i ni sicrhau ein bod yn casglu tystiolaeth wrth i ni ymgymryd ag ymyriadau, naill ai</p>
---	--

	<p>wrth gyflawni gweithgaredd neu ddatblygu polisi. Mae angen i ni hefyd gael gwybodaeth o adolygu effaith ein penderfyniadau, gan ddysgu wrth i ni fynd yn ein blaenau. Bydd hyn i gyd yn helpu i sicrhau ein bod yn sefydliad gyda gwybodaeth a dysg yn sail iddo.</p>
--	--

### **Pwnc**

1. Mae pob un o'n penderfyniadau yn debygol o fod yn destun mwy o graffu yn y dyfodol. Rhaid i ni sicrhau bod gennym dystiolaeth dda ar gyfer gwneud penderfyniadau, a'n bod yn gallu cyfathrebu hyn yn glir ac yn hyderus.
2. Mae angen i ni sicrhau ein bod yn casglu'r dystiolaeth gywir i wynebu heriau yn y dyfodol, a sicrhau bod y dystiolaeth hon yn ddigon cadarn i wrthsefyll her.
3. Rhaid inni gael proses ar waith i sicrhau bod ein tystiolaeth yn cael ei gynhyrchu i safon dderbyniol, a bod proses sicrhau ansawdd gymeradwy ar waith.
4. Mae'r strategaeth hon yn creu fframwaith ar gyfer y ffordd y byddwn yn defnyddio tystiolaeth yn y dyfodol.

### **Crynodeb**

5. Bu'r Bwrdd yn trafod y strategaeth ddrafft mewn sesiwn ddatblygu ym mis Ebrill 2014. Argymhellodd y Bwrdd y dylid cadw'r papur yn ei ffurf bresennol fel "papur cysyniad" fel y bydd y deunydd defnyddiol sydd ynddo yn parhau i fod ar gael. Gosodwyd y dasg o gwblhau'r papur cysyniad i'r awduron, er mwyn iddynt gynhyrchu Strategaeth Rheoli Tystiolaeth fyrrach gyda mwy o ffocws iddi, ac i gefnogi hyn trwy ddatblygu cynllun cyflawni.
6. Ar 6 Mai cynhaliwyd gweithdy traws-gyfarwyddiaeth i fireinio prif elfennau'r strategaeth a nodi camau allweddol ar gyfer y cynllun cyflawni. Cefnogwyd y gweithdy hwn gan aelodau o Is-grŵp Gwybodaeth y Bwrdd yn ogystal â staff o'r Cydbwyllgor Cadwraeth Natur (JNCC), a Llywodraeth Cymru.
7. Nodau'r strategaeth hon yw: 1) Diffinio ein cylch gwaith ar dystiolaeth; . 2) Dangos sut y'i gweithredir o fewn ein sefydliad; . 3) Egluro pam mae angen strategaeth tystiolaeth; 4) Gosod ein hegwyddorion a'n hamcanion strategol; a 5.) Disgrifio ein rheolaeth ar dystiolaeth.
8. Byddwn yn adolygu'r strategaeth dystiolaeth yn rheolaidd wrth i ni symud ymlaen.
9. Mae'n gam cynnar yn natblygiad y cynllun cyflawni gyda thargedau i'w cwblhau a chaiff ei fireinio ymhellach unwaith y bydd y strategaeth yn cael ei chytuno.

### **Cefndir**

10. Fel sefydliad newydd, mae'n hanfodol bod gan yr holl staff ddealltwriaeth gyffredin o bwysigrwydd defnyddio tystiolaeth dda yn eu gwaith. Bydd y strategaeth hon yn helpu i ddatrys y mater o dair ffordd wahanol o reoli tystiolaeth a etifeddwyd oddi wrth y cyrff blaenorol.
11. Efallai na fyddwn byth yn cael yr holl dystiolaeth a ddymunwn. Mae'n rhaid i ni fod yn gyfforddus wrth benderfynu pryd y bydd gennym ddigon o dystiolaeth i symud ymlaen, a sut rydyn ni'n delio â thystiolaeth sy'n gwrthdaro. Mae meithrin hyder ein staff wrth wneud penderfyniadau o'r fath yn allweddol.
12. Rydym hefyd yn wynebu'r her o benderfynu ar ein blaenoriaethau tystiolaeth. Er enghraifft, rydym wedi etifeddu tair cyfundrefn fonitro, ond a yw'r rhain yn cyflwyno'r dystiolaeth gywir

ar gyfer ein diben newydd? Bydd adolygu a chytuno ar raglen fonitro unigol gyda'i blaenoriaethau yn un o'n heriau mawr cynnar.

13. Mae ein pwrpas yn golygu y bydd yn rhaid i ni ymestyn ein gwaith tystiolaeth i feysydd blaenoriaeth newydd, er enghraifft, i sicrhau gwell dealltwriaeth o effeithiau cymdeithasol ac economaidd ein gwaith.
14. Rydym wedi llunio'r strategaeth hon ochr yn ochr â llunio'r cynlluniau corfforaethol a busnes. Nodwyd llawer o heriau cynnar lle bydd angen i ni gryfhau ein sylfaen tystiolaeth, er enghraifft, wrth ddefnyddio'r dull ecosystem, gan gynhyrchu cynlluniau ein hadnoddau naturiol a chynhyrchu adroddiad o gyflwr adnodd naturiol.

### **Y Camau Nesaf**

15. Byddwn yn hyrwyddo'r strategaeth yn fewnol a chyda'n partneriaid allanol allweddol ac yn ei hadolygu'n rheolaidd.

### **Risgiau**

16. Mae cynhyrchu a gweithredu'r strategaeth hon wedi'i chysylltu'n agos â'r Strategaeth Rheoli Gwybodaeth ac yn rhannu rhai risgiau cyffredin.
17. Mae'r rhain yn cynnwys y ddibyniaeth ar TGCh i gyflwyno cyfres o systemau ac offer i gefnogi gweithgareddau rheoli gwybodaeth, wrth ymdrin â blaenoriaethau uniongyrchol ar gyfer systemau gweithredol eraill, sy'n cael eu gyrru gan y newid i fwrdd oddi wrth systemau a etifeddwyd.
18. Mae yna fylchau hefyd o ran capasiti a sgiliau sy'n effeithio ar ein gallu i ymdopi â'r cynnydd o ran nifer a chymhlethdod y gweithgareddau rheoli gwybodaeth sy'n deillio o drosglwyddo gwasanaethau o'r cyrff blaenorol.

### **Goblygiadau Ariannol**

19. Rydym yn gallu cynhyrchu, prynu neu rannu tystiolaeth. Ni ddylem fod yn cynhyrchu neu brynu tystiolaeth pan fydd ar gael o un o'n sefydliadau partner. Pennir cydbwysedd y ffynonellau a ddefnyddiwn ar gyfer ein tystiolaeth gan y cyllidebau sydd ar gael sydd eisoes wedi'u cyfyngu a byddant yn effeithio ar y cyllidebau hynny.
20. Bydd yn rhaid i ni flaenoriaethu ein gwariant yn ofalus, gan sicrhau ein bod yn canolbwyntio ar lenwi'r bylchau yn y dystiolaeth hanfodol yn hytrach na dim ond gwneud yr hyn rydym ni bob amser wedi ei wneud.
21. Byddwn yn cydweithio'n agosach â Llywodraeth Cymru a theulu Defra i sicrhau ein bod yn manteisio gorau fedrwn ni ar y dystiolaeth sydd ar gael ac yn osgoi unrhyw ddyblygu o ran ymdrech.

### **Cyfathrebu**

22. Byddwn yn cyhoeddi'r strategaeth ar ein gwefan.
23. Byddwn yn hyrwyddo'r strategaeth yn fewnol drwy weithgorau ac ar ein mewnwyd a chyfryngau cymdeithasol mewnol.
24. Mae angen inni hefyd hyrwyddo ein strategaeth dystiolaeth yn allanol i ddenu cydweithwyr posibl, a dangos y cyfleoedd sydd i weithio gyda ni.